



SAMOA I SISIFO

Faatulagaina o Aiaiga

Igoa

- | | | |
|--|--|--|
| <ol style="list-style-type: none"> 1. Igoa puupuu ma le amataga 2. E faataga ai le nonoina o le 35,000,000 Renminbi Yuan | | <ol style="list-style-type: none"> 3. Tuutuuga o le nonoina o Renminbi Yuan i fafo atu o Samoa i Sisifo 4. Faaaluina o tupe nono |
|--|--|--|

1995, Nu. 5

O SE TULAFONO e faataga ai le Malo e na te nonoina mai se vaegatupe e le sili atu i le 35,000,000 Renminbi Yuan. [30 Iuni 1995]

UA FAIA e le Fono Aoao Faitulafono o Samoa i Sisifo i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono e Faatagaina ai Faaunegatupe 1995.

(2) O lenei Tulafono e tataua ona faapea na amata faamamaluina i le aso 1 o Ianuari 1993.

2. E faataga ai le nonoina o le 35,000,000 Renminbi Yuan - E tusa ai ma le Tulafono o Pulega tau Tupe 1964, ua faatagaina nei le Minisita o Tupe e na te nonoina mai le Malo o Tagata Saina, i luga o le puipuiga malu o tupe maua a le Malo o Samoa i Sisifo, se aofaiga o tupe e le sili atu i le tolu sefulu lima miliona Renminbi Yuan.

3. Tuutuuga o le nonoina o Renminbi Yuan i fafo

atu o Samoa i Sisifo— Mo aano moni o ma e ese mai ai na i lo le fuaiupu 40 o le Tulafono o Pulega tau Tupe 1964, ua fuafuaina nei e faapea —

- (a) O le a le tatau ona tuuina atu se sea e tusa ai ma tupe o le faaunegatupe e nonoina mai le Malo o Tagata Saina.
- (b) O le nofoaga mo le toe totogiina o tupe faavae e tatau ona totogiina i Beijing i totonu o le Malo o Tagata Saina po o se i si nofoaga po o ni nofoaga ua tofia mo ia faamoemoe e le Faletupe o Saina.
- (c) O le ituaiga tupe, tupe, po o iunite o faamatalaga tau tupe o le a faia ai le nonogatupe ma e tatau ona toe totogiina ma fuafuaina i luga o se maliega i le va o le Malo o Samoa i Sisifo ma le Malo o Tagata Saina.

4. Faaaluina o tupe nono— So o se vaegatupe ua nonoina e le Malo e tusa ai ma lenei Tulafono, o le a faaaluina mo faamoemoe o ma e tusa ai ma feagaiga tau nogatupe ua faatagaina iinei, pe a fai e totogiina i totonu o se faaputugatupe faapitoa po o ni faamatalaga tau tupe ua filifilia e le Minisita o Tupe mo ia faamoemoe e tatau ona avea ma tupe alu faale-tulafono.